

KJKP "RAD" d.o.o. Sarajevo, Paromlinska 57 (u daljem tekstu: "Osiguranik"), koga zastupa v.d. direktor Vera Arnautović, dipl. pravnik
Broj rješenja: UF/I-889/01
Porezni broj: 01700105
Identifikacioni PDV broj: 200316890001
Transakcijski račun broj: 338-900-2208077649
UniCredit banka d.d. Sarajevo

i

"ASA OSIGURANJE" d.d. Sarajevo, Trg međunarodnog prijateljstva br. 25 (u daljem tekstu: "Osiguravatelj"), koga zastupa izvršni direktor Adnan Hodžić
Broj rješenja: 065-0-Reg-07-002356
Identifikacioni PDV broj: 201261240009
Transakcijski račun broj: 134-610-1000166141
Asa Banka dd

zaključili su

U G O V O R

O NABAVCI USLUGA OSIGURANJA IMOVINE OD POŽARA I DRUGIH OPASNOSTI I LOMA STROJEVA – LOT 2

PREDMET UGOVORA

Član 1.

Predmet ovog Ugovora je vršenje usluga osiguranja imovine od požara i nekih drugih opasnosti i loma strojeva, prema Pregledu motornih vozila i premije osiguranja i ponudi broj 003156/20 od 01.04.2020. godine i Okvirnom sporazumu od 29.04.2020. godine zaključenog po Obavještenju o nabavci od 20.03.2020. godine.

Član 2.

Ugovoreni oblici osiguranja odnose se na osiguranje od osnovnih rizika (požar i direktni udar groma, eksplozije osim eksplozije od nuklearne energije, oluje, grada, udara sopstvenog motornog vozila i sopstvene pokretne radne mašine u osigurani objekat, pada vazdušne letjelice, manifestacije i demonstracije) za:

- Građevinske objekte;
- Oprema - mašinska oprema;
- Namještaj;
- Poplava, bujica i visoke vode za fizički dio građevinskog objekta i namještaja, inventara i opreme;
- Udar tuđeg motornog vozila za fizički dio građevinskog objekta;
- Osiguranje mašinske opreme od loma

Ugovoreni oblici osiguranja precizno su definisani Opštim uvjetima za osiguranje od opasnosti požara i nekih drugih opasnosti i Opštim uslovima za osiguranje imovine koji čine sastavni dio tenderske dokumentacije i navedene ponude.

CIJENA

Član 3.

Ovim ugovorom Osiguranik se obavezuje da udruži određena novačana sredstva (premiju) kod Osiguravatelja u iznosu od 2.742,07 KM, a Osiguravatelj se obavezuje, da ako se desi osigurani slučaj, isplati osiguraniku osiguranu sumu odnosno njen dio.

Ukupna vrijednost ugovora za 2021./2022. godinu iznosi 2.742,07 KM bez uračunatog PDV-a.

Član 4.

Ugovorne strane su saglasne sa cijenom iz ponude i police osiguranja koja čini sastavni dio ovog Ugovora.

NAČIN PLAĆANJA

Član 5.

Plaćanje premije će se vršiti na slijedeći način:

- fakturisanje premije kvartalno (u 12 rata) a plaćanje odgođeno za 60 dana.

OBAVEZE OSIGURANIKA

Član 6.

Kada nastane osigurani slučaj na osnovu kojeg se traži naknada iz osiguranja, Osiguranik odnosno korisnik osiguranja je dužan da postupi u skladu sa Izjavom o prijavi osiguranog slučaja, a koja je dio ponude broj 003156/20 od 01.04.2020. godine.

OBAVEZE OSIGURAVATELJA

Član 7.

Osiguravatelj je obavezan isplatiti naknadu iz osiguranja po Opštim uvjetima za osiguranje od opasnosti požara i nekih drugih opasnosti i Opštim uslovima za osiguranje imovine koji čine sastavni dio tenderske dokumentacije i navedene ponude.

Član 8.

Kad primi prijavu o nastalom osiguranom slučaju, Osiguravatelj je dužan odmah, a najkasnije u roku od tri dana, pristupiti utvrđivanju i procjeni štete a ako to ne učini Osiguranik može početi otklanjati štetu uz uslov da prethodno komisijski utvrdi uzrok nastanka osiguranog slučaja i obim oštećenja. Osiguranik može i prije isteka tri dana početi otklanjati štete ako je to potrebno radi nastavljanja normalnog funkcionisanja. Štetu utvrđuju i procjenju zajedno Osiguranik i Osiguravatelj, odnosno njihovi ovlašteni prestavnici.

Član 9.

U slučaju da se Osiguranik i Osiguravatelj ne slože pri utvrđivanju i procjeni štete svaka od ugovornih strana može zatražiti da štetu utvrde vještaci. Iznos naknade ne može biti veći od štete koju je Osiguranik pretrpio nastupanjem osiguranog slučaja.

Član 10.

Kada se dogodi osigurani slučaj, Osiguravatelj je dužan isplatiti naknadu u ugovorenom roku koji ne može biti duži od petnaest dana, računajući od dana kada je Osiguranik prikupio dokumentaciju za naknadu štete.

Ako je za utvrđivanje postojanja obaveze Osiguravatelja ili njezina iznosa potrebno izvjesno vrijeme, taj rok počinje teći od dana kada je utvrđeno postojanje njegove obaveze i ukupan iznos. Ako iznos ne bude utvrđen u roku od petnaest dana Osiguravatelj je dužan na zahtjev ovlaštene osobe isplatiti iznos nespornog dijela svoje obaveze na ime predujma.

Član 11.

U slučaju da se Osiguranik ne složi u pogledu vrste i obima posljedica osiguranog slučaja može uložiti prigovor nadležnom sektoru u Direkciji Osiguravatelja.

Član 12.

Uslovi osiguranja po kojima se ispostavljaju police osiguranja bit će sastavni dio tih polica.

IZMJENE I DOPUNE

Član 13.

Izmjene i dopune ovog ugovora mogu se vršiti samo pismenim putem. Naknadni aneksi i protokoli mogu mjenjati ili dopunjavati ovaj ugovor pod uslovom da su ga potpisali ovlašteni predstavnici ugovorenih strana.

SPOROVI

Član 14.

Eventualne sporove koji bi mogli nastati iz ovog ugovora, Ugovorene strane će pokušati da riješe sporazumno.

Ukoliko ugovorene strane ne postignu sporazumno rješenje, za nastale sporove nadležan je sud u Sarajevu.

RASKID UGOVORA

Član 15.

Svaka od ugovornih strana može tražiti raskid ovog Ugovora. Zahtjev za raskid ovog Ugovora podnosi se u pisanoj formi najkasnije tri mjeseca prije isteka tekuće godine osiguranja.

U slučaju raskida ugovora, ugovorne strane će izmiriti sve svoje obaveze nastale do dana raskida Ugovora, a prema važećim uslovima iz ugovora.

OSTALE ODREBE

Član 16.

Za sve što nije regulisano ovim ugovorom primjenjuju se odredbe Zakona o obligacionim odnosima FBiH.

Član 17.

Sastavni dio ovog Ugovora je Ponuda ponuđača broj 003156/20 od 01.04.2020. godine i Opštim uvjetima za osiguranje od opasnosti požara i nekih drugih opasnosti i Opštim uslovima za osiguranje imovine.

Član 18.

Ugovor stupa na snagu danom potpisivanja i traje do 29.04.2022. godine ili do datuma izvršenja obaveza koje su predmet ovog Ugovora.

Član 19.

Ugovor je sačinjen u 6 (šest) istovjetnih primjeraka i to 2 (dva) za Osiguravatelja, 4 (četiri) za Osiguranika.

"ASA OSIGURANJE" d.d. Sarajevo
Izvršni Direktor

Adnan Hodžić

KJKP "RAD" d.o.o. Sarajevo
v.d. Direktor

Vera Arnautović, dipl.pravnik

Broj: 05-03-04- /21
Datum: 29.04.2021. godine